



## Celebrando 40 aniversario participando den parada di Mucha na Noord y Oranjestad

THE Little Stars Carnaval Group ta avisa tur su fiel participanten cu inscripcion a habri pa parada di mucha di Noord & Oranjestad. Manera tur aña nos ta mantene nos prijs mas economico cu ta posibel, pa asina duna mas mucha e oportunidad pa por disfruta di nan carnaval, pasobra pa nan e carnaval ta y nos tin prijs special pa ora tin mas cu un ruman ta participa. inscripcion ta AFL 50.00 cu ta wordo desconta di e prijs ta AFL 90.00 pa mucha. Nos tin prijs special pa ruman cu ta AFL

175.00, cu ta inclui nan costum, cuminda y bebida durante tur dos parada. E aña aki The Little Stars Carnaval Group ta celebra nan di 40 aniversario consecutivamente participando den parada di mucha di Noord & Oranjestad. Pa 35 aña Sra. Emy Angela-Ridderstaat a sa di dirigi e grupo y ta net 5 aña pasa cu el a pasa e grupo pa su yiu muhe Sharlyn pa asina sigui duna nos muchanan e oportunidad pa participa tambe na loke ta nos cultura. Nos Tema pa e aña aki lo ta " Nag & Nagiana protect-

ing the Ruby & Sapphire". Nag cu Nagaina ta e cobranan blanco cu ta proteha e tesoronan den e "Jungle Book Story", Tur welp conoce e figuranan di Nag y Nagaina cu ta "roepnaam" tambedi lider di e welplan. Colornan cu lo resalta ta Cobra color di plata, Cora pa e Ruby cu ta representa 40 aña cu e grupo aki ta participando den carnaval di mucha na Noord & Oranjestad y e color blauw cu ta di Sapphire cu ta 5 aña cu Akela Sharlyn Tromp-Farro ta fungi como e lider di grupo di "The Little Stars.

Nos ta duna mayornan e oportunidad pa acompaña nan yiu den caso cu ta prome biaha cu nan lo participa y/of ta chikito ainda pa participa nan so. Den e caso aki nan auto/stroller lo wordo dorna na e topico di cobra pa asina nan lo tin suficiente fresco pa e muchanan ora na ta desea di descansa. Pa inscripcion por tuma contacto cu Akela Sharlyn Tromp-Farro na 593-0834, tel na cas 586-3396 , e-mail shatrofa@setarnet.aw of shatrofa@hotmail.com of pasa na nos sede di carnaval

Washington 37-C. Caminda cu nos costurera Emy ta cla pa cose tur sorto di paña incluyendo bo costum di carnaval. Esunnan cu a inscribi caba via tel, por tuma contacto cu nos pa pasa paga nan inscripcion y pa nos tuma nan midi pa asina nos por cuminsa traha ariba nan costumnan. Carnaval ta 26 di Februari, pero prome cu nos pensa el a yega. Nos desea tur carnavalista un dushi temporada di carnaval. Disfruta esaki sanamente y proteha nos muchanan.